

**Catuan air hanya gimik politik, kata exco S'gor  
MalaysiaKini.com  
24 Julai, 2012**

Timbalan Perdana Menteri, Tan Sri Muhyiddin Yassin tidak layak untuk membincangkan isu Selangor kerana ketika menjadi menteri besar Johor, beliau telah menjadikan tarif air di negeri itu antara yang tertinggi di negara ini, dakwa ahli exco Selangor, Elizabeth Wong.

Kerana itu, Wong berhujah bahawa Muhyiddin tidak sepatutnya mempengerusikan jawatankuasa khas kabinet mengenai perkara itu.

"Sebenarnya (timbalan perdana menteri) tiada pengalaman dan tidak menyumbangkan sebarang idea bernas dalam pengurusan air," kata Wong dalam satu kenyataan semalam.

Wong menambah bahawa Johor mempunyai tarif air yang tertinggi di negeri ini.

"Rakyat Johor berdepan dengan tarif air pada kadar tidak munasabah dan tidak mungkin menerima air percuma seperti di Selangor," katanya.

Beliau berkata, kerajaan Pakatan Rakyat di Selangor tidak akan berdiam jika ada pihak yang mengambil untung atas kesusahan rakyat.